



Inatsisartuni Ilaasortaq
Suka K. Frederiksen, Siumut
/MAANI

Kissarsuutit qisuttortakkat pillugit § 37 naapertorlugu apeqqummut akissut

Asasara Suka K. Frederiksen

Kissarsuutit qisuttortakkat pillugit 12. februar 2015-imi Naalakkersuisunut arlalinnik apeqquteqarputit. Apeqqutinut ataani akineqartunut qujavunga.

Apeqqutit:

1) Naalakkersuisut isumaqarpat kissarsuutit qisuttortakkat (pejs) pillugit ikkussuinermi isumannaallisaanikkut pujoorfiatalu takissusissaanut pi-umasaqaatiliorlutik inatsisiliornissamik sulissutiginnittoqartariaqartoq?

Apeqqutivit siullip akinissaanut Ineqarnermut, Sanaartornermut Attaveqaaqatigiinnermullu Naalakkersuisumit ataani allassimasumik akissuteqartitsisoqarpoq:

Naalakkersuisut isumaqarput kissarsuutininik qisuttortakkanik pujoorfinnillu ikkussuinermi isumannaallisaanikkut pi-umasaqaatigineqartariaqartut inatsisitigut malittarisassaqaartin- neqartut. Kissarsuutininut qisuttortakkanut pujoorfinnillu isumannaallisaanikkut pi- umasaqaatit Sanaartornermi Malittarisassani 2006-imeersumiipput (BR06).

Kissarsuutininik qisuttortakkanik pujoorfinnillu ikkussuinissaq kommunimit akueri- neqaaqaartussaavoq. Sanaartorneq pillugu inatsit (Sanaartorneq pillugu Inatsisartut inatsisaat nr. 13, 26. maj 2010-meersoq) naapertorlugu isumannaallisaanikkut pi- umasaqaatit malinneqarnissaat kommunip nakkutigaa.

BR06-imi aalajangersakkat naapertorlugit kissarsuutit qisuttortakkat pejsillu suliarineqar- lutillu ikkunneqassapput, ikuallattoornissamut, qaartoornissamut, toqunartuninnissamut peqqissutsikkullu akornusernissamut ulorianarunnaarlugit (BR06 kapitali 10.1, imm. 1). Kissarsuutininut qisuttortakkanut pejsinullu immikkut pi-umasaqaateqarpoq, ikuallattoqar- nissaanut isumannaarinissaq isumannaatsumillu ikuallaanissaq eqqarsaatigalugit eqqumaffigisassanik (BR06 kap. 10.2).

Pujoorfiit suliarineqarlutillu ikkunneqassapput, ikuallattoornissamut, qaartoornissamut, ajoqutaasinnaasumik aalartoornissamut, toqunartuninnissamut peqqissutsikkullu akornusernissamut ulorianarunnaarlugit (BR06 kap. 10.7, imm. 1). Pujoorfinnut tunnga- tillugu ilaatigut ima iluseqarlutillu portussuseqassapput, putsup tipiliornera peqqissutsi- mullu ajoqutaasinnaanera pisinnaajunnaarlugu naammaginartumik suersumiitineqar- tassangorlugit (BR06 kap. 10.7, imm. 4).

Kommunalbestyrelsip unioqqutitsisoqartoq paasiguniuk, pineqartumi pissutsit pingaar- teqanngitsut pineqanngippata, inatsisit malinneqarnissaat anguniassavaa, Sanaartorneq pillugu Inatsisartut inatsisaanni § 18, imm. 3 naapertorlugu. Pisuni taama ittuni kommu-

18. februar 2015
Suliap Nr. 2015-111297
All. Nr. 1862711

Postboks 1614
3900 Nuuk
Oqarasuaat (+299) 34 50 00
Fax (+299) 34 54 10
E-mail: paian@nanoq.gl
www.naalakkersuisut.gl

nip piginnittoq peqqussavaa pissutsit unioqquitsiviusut iluarseqqullugit. Pissutsinik, inatsimmut matumunnga aammalu inatsit naapertorlugu peqqussusiarineqartunut uni-uuttunik iluarsiinissaq sukkulluunniit sanaartukkamik piginnittup pisussaaffigaa, aamma sanaartuqaq inatsisit uniorlugit atorneqalerpat tamanna atuisup pisussaaffigissavaa, Sanaartorneq pillugu Inatsisartut inatsisaanni § 16 naapertorlugu.

Tamatuma saniatigut kommunip kissarsuutit qisuttortakkat pujoorfiillu upalungaarsimaneq pillugu inatsit (Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaaliuinermi iliuusissat pillugit Inatsisartut inatsisaat nr. 14, 26. maj 2010-meersoq) naapertorlugu isumannaallisaanikkut illersor-sinnaanissaat nakkutigisaralugulu misissortarpaa.

2) Naalackersuisut kissarsuutit qisuttortakkat (pejs) atorneqarnerini kingunerluutaasartut/iluaqutissaasullu pillugit innuttaasunut paasissutissiiniarlutik iliuseqarnissamik pilersaaruteqarpat?

Naalackersuisut kissarsuutit qisuttortakkat/pejsit atorneqarnerini kingunerluutaasin-naasartunik/iluaqutissaasunillu innuttaasunut paasititsiniaanissamik pilersaaruteqanngilat.

3) Naalackersuisut Kalaallit Nunaanni kissarsuutit qisuttortakkat (pejs) qanoq atugaatigineri pillugit avatangiisinut sunniutai ilanngullugit misissuinissamik pilersaaruteqarpat?

Naalackersuisut Kalaallit Nunaanni kissarsuutit qisuttortakkat qanoq atugaatiginerinik avatangiisinullu sunniutaanik misissuinialersaanngillat.

4) Naalackersuisut kissarsuutit qisuttortakkat (pejs) atuisuinut akitsuersuinissamik eqqarsaatersuuteqarpat immaqaluunniit sulissuteqarniarlutik pilersaaruteqarpat?

Apeqqutinnut kingullermut akissuteqarnissamut Aningaasaqarnermut Naalackersuisoq ataani allassimasumik akissuteqartinneqarpoq:

Naalackersuisut tunngavigineqartut aallaavigalugit tamatuminnga pilersaaruteqanngillat.

Inussiarnersumik inuulluaqqusillunga

Med venlig hilsen

Mala Høy Kúko